

# 保定府志

第九冊

卷二十卷二十一

關隘 隄閘 津梁 河道 水利

保定府志卷二十

輿地略四

關隘

提調

華梁

關隘

鎮寨附見

倒馬關在唐縣城西北一百六十里漣水東入倒馬關經石白  
子里乘筏至此失隄防有停滯之患縣志山路險峻馬爲之倒因  
名漢置關於此寰宇記水經注漣水東徑倒馬關通鑑注自蔚州

廣昌縣東南山南出倒馬關至中山上曲陽縣關山險隘石徑  
逶迤沿途九曲誠控扼要地也關隘考倒馬關有二城上城明  
初建景泰三年以上城卑隘於城南三里復築下城屯駐官軍  
屹爲重鎮明初設巡司防守嘉靖時設倒馬關參將

國初設副將順治十年改設都司僉書與居庸紫荆稱爲內三

關

大清一統志

按一統志引漢志代郡有常山關方輿紀要以爲卽倒馬關劉昭後漢書注引博物記唐關在中人亭西北百里計其道里亦卽今倒馬關也又按郡國利病書倒馬關東至完縣界一百八十里西至山西大同府界五百里南至曲陽縣一百五十里北至廣昌縣九十里上關三隘口東南至關約一十五里柳角菴四隘口南至關約四十里插箭嶺十三隘口南至關約六十里軍城八隘口西北至關約六十里落路口十三隘口東北至關約一百四十里吳王口十九隘口東北至關約三百五里

明馬中錫倒馬關詩山上重關結構同戍樓相對隔西東將軍戰馬斜陽外老子青牛紫氣中恆嶽煙嵐春可望朔方烽火夜會通茲行卻喜

逢三月花逐吟鞭日日紅

王恪倒馬關詩倒馬鎮雄關實維神京隘關南已突兀關北尤偉怪連崖萬丈夾一道唐河界巨靈掌恐胝五丁力亦廢地險固金湯結構雲端寨上丁歷級登前騶氣喘憊洵足一夫當百萬眾摧敗我來憑弔餘登臨償宿債磊落峙險姿一石供一拜

八渡關在唐縣城西六十里卽橫河口十八渡明移軍城巡檢

司守焉

縣志

一名馬溺關水經注晉地道記曰望都縣有馬溺關

中山記曰八渡馬溺是山曲要害之地二關勢接寰宇記有水窟八十里山上置關因名漢戍也

大清一統志

安陽關在完縣城西北二十七里有東西安陽二村

縣志

蒲水南

徑安陽亭東晉地道記曰蒲陰縣有安陽關蓋安陽關都尉所

治又東南徑安陽關下俗名關臯爲唐頭坂

水經注

安陽故關在

北平縣西北二十五里

元和志

按安陽關本名陽安關又有陽安壙見水經注元和志則云安陽故關由是諸志俱稱安陽不稱陽安矣

瓦橋關卽今雄縣南關

舊志

唐大厯九年盧龍留後朱滔討田承

嗣軍於瓦橋周顯德六年伐契丹宋太祖先至瓦橋關契丹守

將姚內斌舉城降因以瓦橋關爲雄州胡三省註瓦橋古易京

之地在莫州北三十里唐置瓦橋關

大清一統志

瓦橋關在雄縣易

水上宋白曰瓦子濟橋在涿州南易州東當九河之末舊置瓦

橋關後周於瓦橋關地置爲雄州沈括曰瓦橋關素無關河爲  
阻仁宗時何承矩守關始因陂澤之地臨水爲寨慶厯中內侍  
楊懷敏復踵爲之熙甯中又開徐村柳莊等灤皆以徐鮑沙唐  
等河叫侯雞距五眼等泉爲源東合滹沱易白等水并大河于  
是自保州西北沈遠灤東盡滄州泥姑海口凡八百里悉爲渚  
潞自是以爲藩籬

方輿紀要

宋歐陽修瓦橋關詩古關衰柳聚寒鴉駐馬城  
邊日影斜猶去西樓二千里行人到此莫思家  
宋彭汝助使遼至雄關詩馬頭今日過中都到得  
雄州更有書道路莫嗔音問少天寒沙漠雁來疎

草橋關在高陽縣城西二十里周顯德六年復三關以控燕薊  
雄曰瓦橋霸曰益津高陽曰草橋俱置重兵

大清一統志

按舊志關在高陽縣三岔口周世宗收復三關以  
雄縣爲瓦橋關霸州爲益津關高陽爲草橋關

高陽關在高陽縣城東二十五里舊縣治

舊志

宋初曰關南以其



地在三關之南也太平興國七年改置高陽關路安撫使爲控

扼要地今廢

大清一統志

南關在祁州城南接深澤縣界又北關在州城北接博野縣界

二關俱明天啟五年知州郭堯都建

舊志

鴻山關在唐縣城西北七十里鴻城村

縣志

水經注漣水又東流

歷鴻山世謂是處爲鴻頭疑卽晉書地道記所謂鴻上關者也

關尉治北平而畫塞於望都東北去北平不遠寰宇記唐縣有

鴻山關今名鴻城俗呼爲鴻郎城卽帝堯時丹朱所居

大清一統志

岳嶺口一名大嶺口在唐縣西北一百二十里古恆山口也明

初置巡檢司今廢倒馬關營分兵防守

縣志

自白道安口東北歷

岳嶺口小關城夾耳安口接倒馬關

方輿紀要

橫河口在唐縣城西六十里山路崎嶇南北通衢倒馬關營分

兵防守有巡檢司

縣志

舊設巡司於倒馬關後移置此以守唐縣

曲陽之界

大清一統志

鷹捕嶺口在完縣城西北五十里東北去水谷口二十里西南

去五虎嶺口二十里西去銀山口十里縣志自水谷口至唐縣

周家堡凡十三關口

方輿紀要

百尺口在東鹿縣城南四十里有橋曰百尺口橋舊設巡司於

此今裁

大清一統志

邊吳淀口在安州城西

大清一統志

會要邊吳淀西望長城口尙百

餘里皆山阜高卽水不能至契丹每言宋人安事塘泊吾騎馳

突得此地足矣明道末引塘水開方田始有險可恃

方輿紀要

張登店巡司在清苑縣城南五十里爲往來津要明嘉靖十三

年移方順橋巡司於此今因之其北有保安鎮明萬曆一五年

建大清一統志

河陽巡司在定興縣城南十里河陽渡明洪武三十一年置巡

司萬厯中移於縣南四十里固城鎮後仍移此

大清一統志今裁

拱辰鎮在滿城縣城西南五十里明萬厯十三年招撫流移創

置今居民甚眾

縣志

巨河鎮在新城縣城西南舊有巡司久廢

大清一統志

上城口卽舊關城在唐縣城西北一百六十五里山勢險要北

臨唐河今倒馬關營分兵防守

縣志

按一統志赤岸鎮在唐縣南唐武德六年葛開道自易州南掠赤岸鎮九域志鎮在定州方輿紀要鎮在唐縣北唐

縣志未

詳所在

軍城鎮在唐縣城西北九十里南與曲陽接界明初置巡檢司

嘉靖丙辰大水衝城斷城爲二

縣志

軍城寨隸曲陽

宋史

熙甯九年



析曲陽唐縣人戶隸寨

元豐九域志

唐縣軍城鎮南至曲陽縣八十

里北至倒馬關六十里金時置鎮明洪武時置馬驛於此

大清一

統今驛廢倒馬關營分兵防守

縣志

明傳振商九月駐軍城驛次韻滿谷西風暗古城天空秋  
老露華清山形似狀金牛嶺殺氣猶寒漢將營重地不煩  
勤遠戍聖朝無意更屯兵登高  
聊踐黃花約極目煙含宛不平

永安鎮在博野縣城南唐水之陽舊置巡司

大清一統志

又鐵燈盞

巡司在縣東南二十五里滋水之陽今俱廢

縣志

永豐鎮在望都縣城東南十二里又來安鎮在永豐鎮東三里

縣志

新橋鎮在蠡縣城東北六十里

縣志

博野縣有新橋鎮

元豐九域志

張山砦在安肅縣西山地絕陡峻鳥徑攀緣而上一

大清一統志

烏雞砦在安肅縣城西四十五里明洪武間有姚氏兄弟七人

結砦於此大清一統志

水谷砦在完縣城西北金末靖安民嘗戍守於此今縣西北有

水谷等口方輿紀要

張家砦在雄縣城西南六十三里舊志歸信有張家木場三橋雙

柳木渦大姑紅城新垣等八寨九域志皆宋時所置今俱為村大清一統志

清一統志

王家寨在新安東南十里又馬家寨在縣南八里舊志

涇陽店堡在滿城縣城南三十五里又縣西南三十里有北鋪

店堡五十里有方順橋堡俱明嘉靖二十五年築又置墩臺十

二亦設小堡以更守望大清一統志

周家堡在唐縣城西北一百二十里古隘口也倒馬關營分兵

防守縣志周家堡倒馬關東路隘口明洪武間置巡司今裁大清一統志

統志

按輿程記周家堡口東至玉河安口十里西至營溝口十五里西南至倒馬關六十里

陳家堡在容城縣城東北十里

縣志

五女堡在祁州城西接定州界一名五女店

州志

龍化堡在高陽縣城東二十五里舊城之北又惠伯口堡在縣

東五十里利家口堡在縣東南二十五里進莊堡在縣西二十

里俱明嘉靖間築

大清一統志

白塔店在安肅縣城北二十里其地有白浮圖因名道出定興

縣

方輿紀要

爲南北往來要津元時置驛於此明初移於縣治東

縣志

大王店在安肅縣城西南四十里有集宋太平興國四年燕王

德昭屯兵大王鎮卽此

同上

三甲店在新城縣城北三十五里北至涿州之中道也又高密

店在縣西北三十五里

縣志 高密店詳見古蹟

白溝店在容城縣城東三十里

縣志

唐湄店在唐縣城西北四十里路通倒馬關南北山路崎嶇康

熙三年設兵防守後移鎮關廂今裁

縣志

劉陀店在博野縣城東二里又縣北十八里有陶壚店明洪武

間建鋪於此

縣志

辛集寨百尺口寨漢口村寨王口村寨俱在東鹿縣城南

畿輔輿圖

高卜營寨東良馬寨南傅家寨王莊營寨傾井村寨木邱村寨

俱在東鹿縣城西

同上

陳家莊寨在東鹿縣城西南

同上

南北河莊寨在東鹿縣城北

同上

雙柳樹村寨南小陳寨東大陳寨馬蘭村寨俱在東鹿縣城西

北同上

按辛集以下諸寨皆同  
治時新立者附識於此

隄閘

千里長隄起清苑縣訖河閒府獻縣之臧家橋周迴於順天保定河閒三府之境長千餘里緣河繞淀爲數十州縣生民之保障

國朝康熙三十七年

聖祖特發帑金

命河臣王新命修築雍正三年怡賢親王奉

命重修今益堅固

大清  
一統志

積水閘俗名大閘在府城西門外二里吳家灣跨一畝泉河一畝泉河西徑吳家灣石橋折而南數十武建閘以蓄之其下流

爲府河明嘉靖中建石牆分八字南向廣一丈五尺高一丈長六丈五尺東向廣一丈高九尺長四丈二尺隄長一十四丈高八尺

國朝康熙十一年重修

安瀾志

小閘亦曰西城小閘在府城西水門外城濠兩岸引大河之水蓄之城隍復引以入城

明一統志雞距與一畝泉合流由城外濠出水爲減水口元張柔又作新渠鑿西城以入水則此閘柔所建也

上閘在府城東一里之湯家莊一名小聖廟閘跨府河明永樂初於湯家莊建石閘名湯家莊閘亦名上閘嘉靖時重修

國朝乾隆十年改建於小聖廟東

下閘一名青楊樹閘在清苑縣東十七里青楊樹村南跨府河明永樂初建去上閘十里嘉靖時重修



國朝乾隆十年重建

安瀾志云明實錄萬曆三十八年十一月巡按直隸御史畢懋康請修保定清河閘座其略言保定清河源發於滿城抵府而十里則湯家口爲上閘又十里許則青楊樹爲下閘順流而東直抵天津二閘開創建於成祖定鼎初補修於世廟三十九年日久頽弛今上之三十二年曾一議及以物力殫耗而罷詢之彼中土民咸謂此閘之興有五利焉章下部議報可自來志乘皆以二閘爲建於明嘉靖非也

東安屯閘在府城東三十里跨府河去青楊樹閘二十里乾隆十年建

大莊閘在府城東南大莊跨引河乾隆二十八年建

劉家口隄在府城東自清苑縣屬青楊樹至老河頭長三十八里高一丈寬一丈三尺以防一畝泉河泛溢明嘉靖十六年築國朝康熙四年重修

東安屯隄在府城東三十里東安村康熙三十七年發帑修築

以障府河西決

安瀾志云起自村西東至新橋轉北迄安州界之臧家莊長二千七百九十四丈頂寬一丈三四五尺不等底寬二丈八九尺至三丈不等高四五尺至六七尺不等

三岔河隄在府城東自高陽縣馬家莊至清苑縣夾河鋪又延接安州

藻西閘一名響水閘在滿城縣東十五里藻西莊明萬厯中郡人孫慎建

通會閘在滿城縣城南五十里方順河北跨方順河其閘北口爲通會南口爲金線中則總名曰雞心方順河白草溝河接流處自閘而南者爲方順河自閘而北者爲白草溝河乾隆十年建

金線閘在滿城縣城南五十里方順河南爲方順河金線河接

流處自閘而西者爲方順河自閘而東者爲金線河乾隆十年與通會閘並建

曹河閘在安肅縣城南二十五里曹河南岸慈航寺前清苑縣道溝入安肅縣歸曹河處也乾隆十年建

曹河隄在安肅縣城西南二十五里長一千五百二十八丈嘉慶七年重修

滾水壩在安肅縣城西北姜女廟前乾隆二十八年總督方觀承奏建

長城隄一名黑盧隄在安肅縣城東北

北埵在定興縣城東南境自內章村起至談城村止又南埵自北謝村起至費家莊止

南召隄五馬隄俱在定興縣境